

SANITÉ: La farmacia Pütia é stlütä dai 15 ai 22 d'otober.

La doturia Grete Mahlknecht é demez dai 23 (lönesc) ai 27 (vëndres) d'otober y vëgn sostituida dal dotur Eduard Agreiter 0474 523 315 / 333 13 80 852

PLOANIES DA SAN MARTIN Y LUNGIARÛ

Apé de dljia ciafëise ciamó plates dl quiz, che ves dëida n pü' da s'arjigné ca ala vijita dl Vësko. Fajede na crusc sön i cuadrac dles dërtes respostes.

Les plates dl quiz cun osc inom y cognom sot ia é da dé jö tla lada apé de dljia cina en domënia, ai 22 d'otober. Danter i quiz cun les dërtes respostes nen gnarál trat fora n valgügn che gnará premiá le de dla vijita dl Vësko.

En vëndres, ai 20 d'otober, dales 20.00, vëgnel indô tigni tla capela a Oies la ora de oraziun tla forma de Taizé. Düc é der bel invià da gní a tó pert.

SAN MARTIN

En chëstes döes domënies, ai 15 y ai 22 d'otober, ciantunse la mëssa nöia, cun mituns, comunité y cor, ch'i ciantun spo en domënia ai 29 d'otober, dala gran mëssa cun le vësko Ivo Muser. Porchël é düc dër bel invià da gní ala gran mëssa y a cianté, ch'i la savunse spo por le dé dla vijita. Al é dër bel sides por nos co ince por le Vësko da festejé l'eucaristia y cianté deboriada.



La comunité dla ploania da San Martin ti fej les mius aodanzas a frater Felix Ploner por i 70 agn de vita te convënt pro i Franziscaner, ch'al á festejé ai 4 d'otober. Dër bel dilan dl bun lian y dla colauraziun ch'al á tres desmostré por la ploania da San Martin. Chël Bel Dî ti al paies!

Tla Schira Jonila da San Martin surantol da sëgn inant Sara Ploner l'inciaria da surastanta impede Martina Planatscher che lascia do 17 agn. Martina lascia te de bunes mans l'uniun dla Schira Jonila cun la sodesfaziun da avëi fat cun gran pasciun n bel laur cun les mitans dl paisc dal ann 2000 incá, rengrazian de cör dötes les animadësses che á daidé, i geniturs por la buna colauraziun y düc chi che á contribuí te val' manira te düc chisc agn de ativité. Ales animadësses Sara, Manuela Fl., Manuela Pl., Alexia, Stefanie y Giulia ti audunse inant n bun laur plëgn de sodesfaziuns y de beles esperiënzes. Le consëi de cöra se sint da ti dí n gran dilan ala Martina por döt le bun laur ch'ara á fat y por dötes les bries a bëgn de nostes mitans/jones. Les mius aodanzas a Sara Ploner!

LUNGIARÛ

La Uniun di Seniors inviëia düc i seniors en vëndres, ai 22 d'otober, da gní a La Val cun n bus che pëia ia dales 14.00. I jun sö Santa Berbora, spo a ti ciaré ala stala dles cioures y inultima sö Sorvisc a cëna. Vignun paia 20 euro plü le bëre; la desfarënzia surantol la uniun. Prenotesse cina en mercui: Annelies 0474 590 067 o 346 35 87 173.

L'oferta vá incö domënia (15/10) por la restrotoraziun dl confarun di omi.

En dedemesaledema, ai 18 d'otober, dales 20.00, é l'Istitut Ladin la sentada generala dl Consëi de formaziun dl Comun da San Martin cun lites. Invià é dantadöt düc i presidënc y representanc dles uniuns/assoziazziuns dl comun y düc chi che á interes.

En jöbia, ai 19 d'otober, dales 16.00, vëgnel tigni por mitans y mituns tl Istitut Ladin n domisdé cun i clowns Sally y Merendina.

En jöbia, ai 19 d'otober, dales 15.30 ales 17.30, s'incunta indô tla sënta dl Raiun Sozial a Picolin le grup de tëmp lëde Atmosfera por ëres y ëi atocá da problems psichics cun Irina Tavella y Barbara Rungger. Info pro Sabine Rainer 0474/524519. Düc é bel invià.



www.unitepastorala.org

Plata dles Ploanies San Martin y Lungiarü

siur Iaco Ploner 3334832765/0474453003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

15.10.17 – 22.10.17 nr. 47

termo da publiché: jöbia 20.00
radio: 90,40 / 93,70

28ª DOMËNIA IA POR L'ANN A

Vangele: Matî 22,1-14

Cun le règn dl cil éra sciöche cun n re,
che â arjigné ca la noza de so fi.

Al à menè sü sorvidus a cherdè i ghesc invià a noza.

Mo ai n'orò nia gní.

Dailò àl ciamò n iade ortié sorvidus y ti à racomanè:

Dijedi ai invià: Mi past é arjigné,

i bos y i tirs da maza é tué ia, döt é arjigné. Gnide a noza!

Mo ëi ne s'un fajô nia d'infora,

un deperpo é jü te so ciamp, l'ater te süa botëga,

indô d'atri é jüs porsura sü sorvidus, i à tortoré y i à copè.

Sëgn s'â le re dessenè; al à menè sües trupes, à fat copè i assassins

y a süa cité ti àl taché fuch.

Le règn dl cil é le règn de Dî,

le som de Dî de n monn nü,

olach'al é iustizia, ligrëza, pesc,

liberté, spëisa y speranza por düc.

Gejü prô da le splighé tres indô danü.

Na noza é propi l'ejëmpl plü rich de vita,

de speranzas, de fertilité, de amur y de festosité.

Degügn ne dess resté passifs y ne s'un fá nia adinfora defrunt a na noza,

olache döes porsones professëia dan da düc

ch'ai ó se mëte deboriada sön tru y ch'ai ó tigni adöm por na vita alalungia.

Gejü ne n'â nia tröp suzes cun sües paraboles dl monn nü de Dî.

I gragn y i studiá da laota n'orò nia le capí, y al foss ince sté massa prigorus da se lascé baié sö y da se lascé ite cun Gejü.

Nos n'essun incö pordërt nia da temëi da l'ascuté sö y se lascé ite cun ël,

mo al nes mancia la vöia y spo é vigni vertora buna da se trá sot fora.

Mo al podess ester n bel de massa tert.

Y spo nen sarál d'atri che se sentará pro la mësa da festa.

Chësc ne cunta Gejü nia ma por cunté val', mo deach'al ti parënta dassënn.



	SAN MARTIN	LUNGIARÜ	 Intenziun dl Papa por le mëis d'otober 2017 I periun por i dejocupá <i>I periun ch'al ti vëgnes reconesciü ai lauranc dependënc sü dërc y che i dejocupá ais la poscibilitè da porté pro al bëgn dla sozieté.</i>  <i>La corona ó nes condüje a se tó dlaurela da jí ite tla vita y ti pinsiers de Maria, che á por punt zentral y contignü Gejú Crist. (Romano Guardini)</i>  <i>Da aldí dötes chës vertores tl vangele da incö éi Gejú che se dessëna, sciöch'al foss val' plü d'important co tó pert al past cun ël, o val' plü d'important co tigni la domënia. Sc'al é l'amur de Dî che chërda, messunse propi avëi de dërtes gaujes da dí de no. Unse pa de te gaujes?</i>
15.10.17 28^a DOMËNIA - ANN A <i>Segra de düc</i> 15.00 Prozesciun cun Chël Bel Dî <i>da La Crusc sön Badia</i>	9.00 Corona d'otober 9.30 Gran Mëssa por la Comunité 14.00 Bato de Alma Flöss	7.55 Corona d'otober 8.15 Gran Mëssa Festa di maridá iubilars y dla racoiüda L'oferta vá ala Uniun di Omi por la restrotoraziun dl confarun 15.00 Corona tla capela de S. Ujöp	
16.10.17 Lönesc <i>Margareta M. Alacoque</i>			
17.10.17 Dedolönesc <i>Ignaze d'Antiochia, Anselm</i>	19.30 Mëssa + Doro Verginer + siur Heinrich Videsott 20.00 Sentada dl Consëi de Cöra por la vijita dl Vësko		
18.10.17 Dedemesaledema <i>Lüca vangelist, Pire</i>	18.00 Corona d'otober	19.30 Mëssa 3 ^a de sopoltöra por Flavia Costa 20.00 Sentada dl Consëi de Cöra por la vijita dl Vësko	
19.10.17 Jöbia <i>Paul dla Crusc, Isach</i>	7.30 Mëssa di scholars + Giovanni Tavella + + de Purgl Clara Corona por vocaziuns		
20.10.17 Vëndres <i>Wendelin, Vitalis</i>	18.30 Adoraziun chita 19.00 Devoziun eucaristica cun düc	7.30 Mëssa dl ann + Franz Costa + + Carlo y Pio Mischi	
21.10.17 Sabeda <i>Ursula y Compagnes, Clementina</i>	15.30 Mëssa tla Ciasa de Palsa 18.30 Mëssa prefestia dl ann + Emma y Bacchisio Cossedu + Frida Prada	20.00 Mëssa prefestia + + Mariangel y Iudita Clara dl ann + + Florian y Anna Clara	
22.10.17 29^a DOMËNIA - ANN A DOMËNIA DLES MISCIUNS	9.00 Dev. rengraziamënt racoiüda 9.30 Gran Mëssa por la Comunité Festa Rengraziamënt Racoiüda Oferta por les Misciuns	7.55 Corona d'otober 8.15 Gran Mëssa por la Comunité 15.00 Corona tla capela de S. Ujöp	